

兩朝從信錄

兩朝從信錄卷之三十

秀水

沈國元述

四月

兵科薛國觀上言頃接

登萊巡撫李嵩塘報一揭內稱天啓六年三月二十日准平遼總兵毛文龍揭前事天啓五年據前哨中軍楊祖寧千總王國仁招首楊承高等回稱探得止有千山八會寨許多鞍馬齊備達賊各屯並不見達子走動等情職等急統各營潛行星飛前進於初三日夜走至二更時分官兵齊到八會寨圍住達賊如風抵敵官兵奮勇喊砲燒房砍

殺許多，餘賊跑散。又見各山火起，兵疑各屯有賊，救應不敢斬取首級，連忙收兵。一日一夜，奔回塞寨裡歇息。公同各營將領細查在陣活擒真夷，除首級遺棄不開外，參將易永惠等下官兵易從賢、王國等活擒真夷二十九名，嗚啼咽等夷奴一口。真的查驗陣獲達馬九匹，騾一頭，達帽弓箭鎗刀鞍韉等器，隨分散各營官兵外，除各營官兵在陣遺棄鐵盔十四頂，鐵甲二十一領，跑死官馬三十八匹，清查明白，其有功將領易永惠等當賞花紅銀兩。其陣亡官兵何應元等五十三名，著傷兵丁朴友化等十九名，俱給優恤，併將沿途順帶四鄉謝坤等五百九十七名口，各

安插訖等情到院准此除該鎮擒獲活夷候解到之日驗
審題解等因到職該職看得奴酋竊伏數載海外自信
擗制之能

朝中亦推擗制之力臣愚竊意其或然不虞今歲正月奴
擁大兵入犯幾於傾巢雖是稍挫其兇鋒而攻圍屠掠逍
遙內地者直二十有日略無踉蹌返顧之意迨班師而東
操演瀋陽伏圖再至一似不知有擗制者然茲續塘報尚
叙去年十月間事其於大舉入犯越兩月餘槩乎未聞真
風馬牛不相及猶且曰偵探最真朝謀夕計聞風撲殺者
耶猶且曰先棧而獲入會寨之捷撓挫其西南之鋒者耶

以職論之總之毛文龍者駐師海外以撻制奴酋爲職者也。果能撻制使奴不敢西來卽不屑屑然於零星擒斬呈解功自昭著於天下。倘不能撻制使奴無所顧忌而西縱日擒斬而日解捷何益於封疆之大事哉。伏乞皇上責成文龍當茲奴氛孔熾兢兢西視之時專於撻制上着精神務圖掣奴之至計則其功莫大焉者矣。以後有所獲不係頭目渠魁告

獻未可輕舉矧前已有煌煌

明旨在今茲俘解總數開稱二十九名。搃數開稱三十名。數目不合併宜。勅登撫李嵩研審的確就彼

奏決非惟重告 獻之

大典而且甦苦累之驛遞矣奉

聖旨這本說的是獻俘前已有旨非真正渠魁不得輕濫
今看登萊巡撫審實處治不得濫殺無辜至奴犯寧遠已
經三月毛文龍竟不知覺何云擄削據所住須彌島去奴
寨二千里餘去寧遠亦如之遠不相救毛文龍當自己審
處奏報以圖結局勿徒以獻俘塞責該部知道

上諭兵部奴酋屢報造船卽着防海官軍哨守出洋汎地
據稱毛文龍遠駐東江不能擄削你部裡酌量駐札要害
之處作速行文與他以便策應

都察院周應秋奏御史劉大受王心一削奪

以大受爲違限執法心
一徇情結劾同門也

下周宗建繆昌期北鎮撫司獄

贈朱之恭禮部尚書廕一子入監讀書

高攀龍卒

時高

旨建攀龍官旂後於十八日

開讀而攀龍先於十七日夜溺園池死

按尚公生平抗直忠義自命諒行人歷御史以建言請

嶺南揭陽典史

光宗皇帝知其賢遣

詔起光祿丞壬戌至太僕卿甲

子陞都御史以糾劾權奸被削籍杜門著書築園山

中與座家迥隔優悠以卒歲月詎意繼璫受忠賢意括

窮駕風影之詞一網打盡爲快因拒入黨錮忽聞提騎

至焚香沐浴手寫遺疏一通封固以授其子囑曰寧急

方啓之乃給家人云汝輩各自寢息勿得驚恐諒無大
禍我故獨臥一室熟思良策明早自有處分耳夜半密
起整衣冠望

闕叩頭自投于園池其于世儒亦客來竟同閑寂無聲
啓戶視之空牀絕跡惟一燈熒熒在几間且哭且號亟
走池次燼香未散番詩一律始知身陷羅網矣時有
司即親臨相視越三日面色如生附遺疏云臣雖削籍
舊屬大臣大臣不可辱辱大臣則辱
國矣謹非面稽首以效屈平之遺
君恩未報願藉來生望使者持此以復

上皇

巡撫遼東袁崇煥附定兩鎮職任以便責成疏曰臣以書
生不閑軍旅從督師輔臣孫承宗與舊撫閻鳴太後力主
恢復時論是之不意已奄有寧前跨及錦右始終共關外
之事則總兵趙率教滿桂二人臣自作令家

皇上特知諸臣合屬。獸用趙率教則。聞鳴太與臣作道時。保其出關。滿桂爲樞輔中軍。臣引之同出寧遠。今

皇上陞臣爲遼撫。而二人俱領元戎。臣今駐札寧遠。遠在

敵衝。爲責頗重。又不得不分其責于二人。往時止以關門。爲經督撫鎮之信地。寧前一帶。俱駐防兵馬。東則哨探屯。糧而已。今

皇上已

勅臣駐札寧遠。則旣復之地。如寧遠以西。便當隨地分認。設立專官。未復之地。亦分頭探哨。漸圖恢復。如總兵趙率教。則駐前屯。領關內三部。各一車營馬步共六營。後勁屬

之仍轄中前一所前屯一衛與關上俱其信地總兵滿桂
則駐寧遠領前中後各一車營馬步亦六營前鋒屬之中
右一所寧遠一衛中後一所俱其信地而令其司三路哨
探遠出錦右又廣以明一軍之耳目二鎮各逐堡修理分
地授田臺隍烽堠地日闢而歸日減漸以復

祖宗之舊明年復幾城又具題分信大抵兩鎮更迭而前
交相爲援如今滿桂在寧遠爲前鋒則趙率教爲後勁明
年趙率教東出錦州爲前鋒而滿桂又在寧遠舟師及西
虜夾情隨前鋒以轉領後勁再一年滿桂又跨而前則錦
州又爲後勁逐步而前限之兵八萬餘臣每封人言謂戰

則一城援一城守則一節頂一節步步活棹處處堅牢如此作畧恐天下人所同心也其議創于樞輔孫承高其行之不果而時亦無及臣今因之耳然敵勢甚強奴一出數十餘萬西虜之馴養能必其終處此蓋甚難也况臣憂病之身孤睽之迹然不如此不足以守關門而壓強敵守關與復遼不得分作兩下工夫而戰卽在守總在

皇上與廷臣所用之臣敢作聰明哉因勢而利導之耳卽關內二道事權參差不便當併二爲一與寧前道一司關內一司關外伏乞

勅下該部照地方兵馬開坐一領

勅書兩道職掌遵照管事速將兵馬盔甲器械城堡舟楫逐件修補其防禦戰守方畧容臣與二鎮商確施行寇近門庭我欲待而奴不我待也

命戍熊明遇黃龍光鄧洪鄒維璉徐良彥時江西巡撫郭懸坐諸臣擬城旦奏復而逆黨朦蔽

聖聰必欲戍遣之以爲快龍光更發邊遠僉妻着伍尤爲慘痛

叙寧前功次兵部上疏奉

聖旨是奴僉犯順久逋天誅通寧遠以固守大挫賊鋒敗逃歸穴恢復有機朕心嘉悅内外文武各官功次既經勘

明其覆宜行褒叙、新舊輔臣絲綸密筭、樽俎雄籌、集羣策羣力以奏安懷、萃一德一心而行翼贊、勲猷克茂、特用加恩、元輔顧秉謙、加特進光祿大夫太保、廕一子錦衣衛正千戶世襲、賞良五十兩紵絲四表裡、加賜坐蟒一襲、次輔丁紹軾、黃立極、馮銓各加少保、兼太子太保、改戶部尚書、進武英殿大學士、各廕一子錦衣衛副千戶世襲、還各賞銀四十兩、紵絲三表裡、仍各賜坐蟒一襲、原任輔臣孫承宗、改吏部尚書、餘官如故、廕一子錦衣衛正千戶世襲、魏廣微、餘官如故、廕一子錦衣衛副千戶世襲、各賞銀四十兩、紵絲三表裡、都照新針給與、應得誥命、敕臣魏忠賢竭

誠報國矢志籌邊緝獲巨奸潛消釁孽預發什物火繩大壯軍威功雖奏於封疆謀實成於帷幄特加恩三等賞銀五十兩紵絲四表裡磨弟姪一人與做錦衣衛都指揮使世襲給與應得誥命其先解軍器劉應坤勤勞可尚加恩二等賞銀三十兩紵絲二表裡磨弟一人與做錦衣

衛正千戶世襲胡良輔紀用陶文各賞銀三十兩紵絲二表裡磨弟姪一人與做錦衣衛百戶世襲俱給與應得誥命王永光加太子太傅磨一子衛正千戶世襲賞銀四十兩紵絲三表裡袁崇煥加兵部右侍郎兼都察院右僉都御史照舊巡撫磨一子錦衣衛正千戶世襲賞銀四十兩

紵絲三表裡給與應得誥命、巡關御史洪如鍾卽陞京堂
用滿桂、趙率教各陞右都督、廕一子本衛副千戶。世襲各
賞銀三十兩。左輔實授都督僉事賞銀二十兩。朱梅授署
都督僉事。祖大壽授副總各賞銀十五兩。何可靖陞都司
僉書賞銀十兩。彭簪古、鄧茂、蕭林陞陳兆蘭各授遊擊各
賞銀十兩。徐敷奏實授都司僉書實承功授遊擊。斬國臣
鍾宇王成曹叅誠加都司僉書職銜。陳應元孫繼武張弘
謨高如松孟繼孔實授守備程繼模轉員外郎仍加俸一
級。金啓傑贈三級襲陞三級仍優給恤銀八兩。羅立授把
總賞銀二十兩。王勝等十員各照本職贈一級。襲陞一級。

各給優恤銀十兩常明德給優恤銀十兩王家翰賞銀十二兩孫紹祖等二百八十一員及撫夷大小文武職官各賞銀六兩劉廷郊呂應蛟李永培張邦才准復原官王赫嘛給副總兵廩給埒其徒餘俱依擬該部知道

信王府第欽天監擇四月二十五日興工奉

聖旨是該部知道

應天巡撫毛一鷺疏題本年三月十八日因犯官周順昌奉

旨下逮臣等齊赴公所正開讀間忽士民擁入鼓譟變起倉卒勢甚危迫臣等不勝駭異力爲解散已經合詞

上聞請

旨無庸復贅續據蘇松糧道按察使張大孝呈據蘇州府知府寇慎申據吳縣知縣陳文瑞會同長洲縣知縣張茂梧申稱本月二十日據西察院看廳門子報稱有奉

差官旂於本月十五日駐札木衙門至十七日奉牌擇於十八日午時開讀時闔廩人民執香號呼喧闐塔下正開讀間羣呼奔擠聲若轟雷時衆官俱圍守犯官而堂上隨從驚避有登高墜下者或撞門倒壓者有出入爭奔互相踐踏者遂至隨從李國柱醫治不痊延至本月二十日辰時身故當備衣被盛殮等因案查先據蘇州府呈據吳縣

申稱本月十八日、百姓一時喧闐、方蒙院道嚴諭解散、又聞有旗從人等在于胥門河下勒索應付需擾、因而若輩復又到彼爭鬪、隨該本縣親詣船所緝拿、民人禁諭、當卽解散等因、各具詳到。臣該臣會同巡按直隸徐吉看得周順昌之被逮也、

主持自有

宸斷、勘問自有法司、直逮到之日、官旂卽行開讀、而不慮其意三日淹也、比傳開讀、臣等遂趨公所見聚觀者如堵、卽行呵斥、而各官以爲屬者、周宗建等開讀日光景亦是如此、且傳鼓相催、遂羣除從人、上皆行禮、不意呼號之聲、

如疾雷響應，莫可嚮邇，執香稠衆一湧而上，勢如鼎沸。臣等相顧錯愕，唯以身爲捍蔽，力諭道府諸臣喊示。

功令幸順昌拘繫無虞而奉

差官旂輩遂把捉不定，驚憤却走。衆益揮號，攘臂直入後堂，致踴躋踐踏，扳援撲跌，幾成狼狽決裂矣。臣等速調防

禦官兵以次鱗集，衆稍奔軼，乃烏合之衆，乘風鶴之驚，復

聞河下有旂從需援，若輩遂如狂如顛，隨奔闕城外。臣等

復急促府縣正官立刻嚴拿禁戢，而旋亦散逸。此十八日

真情景也。次日訛言偶語遍街塞巷，臣等惟有密加防獲

嚴行申飭，自辰至酉方始解散。距三日而從役內有李國

民雖愚何
敢輒犯不
赦此其情
益可憐惻
矣

柱者因驚竄獨先踏傷偶曉矣臣等竊念事莫熾於
王言法莫嚴於三尺詎意清平世界有此異常大變舉國
若狂幾於不可收拾何人情之洶洶而時事之叵測至此
甚也方周順昌奉

旨被逮縣官往卽就繫當令府縣爲促開讀而官旂不應
逗遛需滌訂期十八日致生遠邇之心此變之所繇肇也

蘇郡法紀陵夷何嘗有此已非朝夕臣等諄切飭示何啻三令五申

乃開讀何事公庭何地至容囂雜諸人踴滿填塞以召急
不能馭卒不及防之變則縣官疎玩之罪也先事不能預
防臨期不能調輯致變生意外而始畢力以圖之雖云嘔

心實已費手則府官因循之過也道臣身在事中何能無調度防禦之責至臣德不足以綏民威不足以肅衆抑何辭於溺職之罪除一面將犯官周順昌交發官旂卽日起解至京伏候

聖明處分外仍次第擒緝猖亂渠魁另行正法以重國典以尊

君命臣等合詞再瀆伏乞

勅下部院行臣等遵奉施行奉

聖旨愚民狂逞至拊傷旂尉雖云變起倉卒撫按等官平日禁約謂何據奏犯官旣已前來姑不深究還着密拿首

只此一事
已紀今古

惡以正國法不得累及無辜其蘇常等處私造書院盡行
折毀刻期回奏該部知道

開濟紀事云

天啓六年三月逆黨魏忠賢矯

詔逮故巡撫都御史周起元等中及故吏部員外郎周
順昌同惡內臣李實所構陷也先是吏科都垣魏大中
被逮順昌聞而哭之道經吳門公與劉喬姻奏酒炙相
待慟哭是時逆焰灼天宇內宛舌同聲播手觸禁而公
獨慷慨不休以此援忠賢怒然公清節顯著自倪文煥
謀含沙之貝而節室省無其而甘爲禁大者李實欲得
忠賢權迫借織造事羅織公遂疏上忠賢遂捏言分逮
遣官旂張應龍文之炳等逮順昌

詔至之日則三月十五也故事

詔使至郡縣縣官自詣主名時哭邑侯陳公文瑞公所
殺士也夜半叩戶求見縣悲而慟公曰吾固知

詔使必至此特意中事耳毋效楚囚對泣乃悉召故人
與訣別而夫人吳氏號泣昏迷絕而復甦者再諸子環
跪而哭聲徹街市公不顧神色自若臨行所知曰范司

烈文天

民心即公

道所在達

可以發覺

創枯者

千古奇事

七議

兩朝仙伯錄

卷三

事

天六四月

諫屬子數語千古俊臆君獨憇然長往平公笑曰無事
 駢人懷也顧左右有一素勝曰此龍謝益僧獨書者向
 已許之今日可予不亦一負心乃呼筆題之字大如
 斗體法遒勁後歲年月日投筆而起意氣浩然甫出門
 百姓號冤聚送者已不下數百人公因服小帽詣軍門
 士民聚益衆大中丞毛公恐自揣不協與清撤有司數
 易置公毋使贅聚一日四五遷然遠近聞風相繼至愈
 多至數十人皆言吏部清忠亮簡何罪而
 朝廷逮之如昔人不解司馬相公為黨大考或悻悻若
 怒或悵悵若悲或戔戔若無言或昏昏若夢寤而無所
 自明相守至昏夜猶不散且則復舉自十五日至十八
 者益通國皇皇也聞讀之日郊中士民送者無慮數萬
 相聚謀曰吾儕小人無辭上達
 天子頃當投哀兩臺懇其疏救或曰此皆東廠陷害忠
 良雖撫按可奈何吾輩一死耳無足惜者語氣激烈有
 識者懼生變稍加慰口
 朝廷聖明君等皆忠義欲活吏部當為吏部門戶計不
 如乞命而臺為得於是百姓皆執香迎顯昌於縣署跪
 聲震天揮汗如雨縣官馬不得行日午午西察院時撫
 按未至人情洶洶天地陰慘諸生五百餘人公服立門

外私憂曰人心怒矣特以

陳辭懇切

白露本情

一語詰定

外私憂曰人心怒矣特以天子詔不敢發瓦撫按至事未可知代豈代為請命差足慰百姓無貽桑梓憂諸生皆喏頃更撫毛公一驚延按徐公吉至百姓乾沓伏地呼號之聲如奔雷湯川盡轟不從一語諸生王節劉君漢文雲亨楊廷樞殷獻臣王景阜袁徵朱曉沙舜禹三一總等乃逆兩臺於門痛哭而陳曰周鑒却清忠端亮與皇天誓一旦以誦牛墮璫遂下詔欲誅百姓怒痛萬心死矣人心國之本也賢士大夫民之望也詩云人之云亡邦國殄瘁言失民心喪敗法也况頃月等不孫辜蒙諭引而出於刑臣尤人心憤懣不平之極者今東南赤子成願百身以贖明公為

天子重臣何以慰海潮之衆使無崩解之患言訖諸生皆慟哭毛公恐流汗被面慟慟不敢出一語旂文之炳等妄尊大不察民情恃械擊百姓且厲聲曰東廠嚴旨逮官迺容鼠輩置喙百姓頗佩韋等聞之還問曰爾言東廠逮官則此旨出魏監耶諸旂虎面豹聲曰速剗若否旨出東廠將何如佩韋等不勝憤振臂大呼曰吾輩謂

天子詔耳東廠何得逮官首擊之炳百姓從者千計而

袁崇尚知
將故忠良

死有分處

此紀即可
義士

覆水不收之勢成矣。時變起倉卒，諸生皆驚避。毛公益
恐怖失色，急請兵自衛。敵請至夜分，百姓漸散。從尉李
國柱死，餘或匿斗拱間，或升屋走，因得全。是日城中正
沸而歸，衣遠黃等素者，吳入新，泊舟胥江，固知也。登
岸，陽陽陵縣市民。一人陷，得呼曰：「是何得獨從？」招而
擊者，雲集遂沉其舟，焚其衣冠，所得輜重悉投之於河。
諸將僅以身免，始知城中有變，踉蹌而逃。先是，忠賢提
旨逮故御史周宗建，族尉橫行郡縣，勢甚熾，縣吏俱
張請不具，輒免矣。席延辱二千石，官長多聲不敢侮。
視龍等前後一轍，及遭變，見與蘇皆厚，大抵東廠誤
我。越二日，民情稍定，人謂吏部曰：「公不棄，清流之禍
忠良無得全者，矧今日變，固公起，恐徒自苦。」吏部嘆曰：
「以我一人貽禍桑梓，歟！且尸不瞑，我豈不知自裁，然願
昌小臣也。」豈得引高公不辱之義乎？今其赴
部必死，死則所
高皇帝速殛元兇，以清君側之惡。公等勉，自為我作忠
臣傳可耳。乃以三月廿六日間行，大無知者，友人未聞
文陰隨之，晝伏宵行，潛達
都下，冀得一當以脫。公於虎口志弗遂，鬱鬱抱憤，以卒。
公既就獄，輦下地震，死者以千數，神樂觀災，天譴屢告。

長山舌至
今猶在

五人自當
附刑

咸亨年三
字可云天
廷好亂
代王之
廷之
得假一逆
皆昭昭不
及玄義

而逆黨怙惡如故必欲盡滅忠正之士順昌每當訊鞠

聖祖

列宗隨大馬忠賢誤國逆賊許顯純等因加酷刑膚炙
鎗盡不勝楚毒而絕喪至之月遠近聞者莫不流涕大
致哀屋飛石三日夜乃休非顯純等馬係陽彥知沈陽
周文元等五人將就刑問之大哭曰吾輩旦夕且死無
所憾惟願作相公左右耳及臨刑佩帶等物談笑如故
逆路觀者皆嗚咽不禁自大中丞而外司府靡不反袂
海衣也然毛公怒猶不置復遣檄學使者黜諸生王節
等五人幾成大獄云越明年

熹宗鼎成

今上即位神武天誕元兒竊忠賢舊臣及彪虎許顯
純等先後伏法誅惟文煥李實得末減論成
上復從廷臣請錄死事諸臣贈公大常寺正卿廕一子
誥建祠賜額備極優渥吁嗟乎一年之間忠臣義
士既囚而蒙天時人事既盡而康非
大聖人雷電秉乾乾孰能幾於此哉近江都人士傳言倪
文煥家白日見吏部冠服坐堂中旁有五人皆武裝侍
左右煥家大怖叩首謝罪終不去或言公正人豈作厲

然余讀史記見灌將軍事則冤仇報復自古已然灌將軍忠孝著西漢而文煥罪愆甚於武安又安知其不再見於今日也

此紀爲吾友王貞明手述蓋貞明與吾師劉漸于爲周公莫逆雖當忠難不廢周旋故所記最爲詳確使百世而後想見吳中臣忠如義士謹民盡之概云蔣鎮曰逆奄之禍中自楊中丞以下賢士大夫日供刀組海內人人切齒而黨逆者羅織方亟緹騎四出如吏部之生平吾鄉士民所矜習而家爲尸祀者於是不勝憤痛之極走死甘如鷺矣一舉而逆奄氣奪豪猾聞遣者惴惴噤指不敢出緹騎之遣遂中止則吾鄉士民力也不寧惟是當

熹宗大漸卽聞逆奄聚徒謀不軌其黨某首勸逆曰不爾便是死路崔賊顧首鼠曰不見累歲江南之變乎須半年掃除可矣然則吾鄉士民實有社稷功益陰滿逆謀而不覺也

國家養士二百餘年一旦摧落逆墜手戕戕衣冠有稱子稱孫稱臣稱妾妾冀非分而碎首伏節之義僅出於青冢手矜閭左黔首當事猶比爲扞王章幾成人獄嗟嗟是何心哉矣有萬一不幸逆奄僞出一紙彈詔亦將

曰王命也始升受之可乎
聖天子赫然新拜無士民如
是舉也於海內乃有台吳於
廟哭侃侃陳崢嶸大節堪為
聖朝不吐氣傾吳人神伏數
學節不自其肩之揚而舌瑞
神廟榮嬪李氏苑喪禮道
之餘榮也

旨照萬曆魏慎嬪例行補葬于張順嬪之墓

贈劉光復太常寺卿廕一子入監

命清查京營軍馬盡數歸伍有仍前隱占者指名參奏

時地方大盜盡捕營額軍一萬止五千人應從營馬盡
各米生至是延視計道查參奉
旨限五日內務要照
數清還不許隱占

癸巳子時白露占曰臣下擅權又曰主兵喪

下字應昇鎮撫司嚴究追贓

大理寺正許志吉誣奏堂臣張繼並削奪追贓

命浙江撫按解貢尊素來京究問

時吳中有聞讀之笑于是新授初成不敢復出故有本處撫按起解之議

下周願昌北鎮撫獄

削奪吏部郎中李白春

逆黨亦誣以門戶故也

兵科薛國觀上言 且於本月二十二日在科辦事接得偏沅巡閱夢得黔省沾危一疏准貴州撫臣王臧咨言三月初三日安邦彥率衆數萬渡江與我兵大戰數日至初七

日總理魯欽親督兵敵賊回營至二更賊勢甚衆漸逼營壘各兵因數月無餉紛紛逃散令難禁止五鼓營兵盡散總理無計可施遂藏利刃死於營中又准貴州按臣傅宗龍咨言十六日辰時塘報賊將麻姑孫官堡燒劫漸逼城下勢若燃眉等情到職職讀之不勝駭嘆曰近報奢寅被殺竊慶西南事可漸次盪平不意安賊之復猖獗如此也大都黔省遠在天末人視爲非門庭之寇不甚急切而姑緩之廟堂上責成供應之意少邊塞間脆靡推諉之習多謂餉不果腹而兵不用命其說亦正若謂此逃散實緣無餉之致然蓋有難以盡信者夫二更至五鼓爲時幾何

豈無餉糈腹能捱之于數月者而不捱之待旦乎其盡散之也故賊勢甚衆漸迫營壘各兵懼不能支紛紛逃散令難禁止是明明供一潰敗之形而乃借口於無餉以爲歸咎卸罪之地將服誰乎十六日塘兵偵報賊將麻姑孫官等堡燒劫漸逼城下距今已凡四十日安危成敗尚不可知卽偏沅撫臣閔言移駐偏橋僅率現兵數百遙張聲勢虛而有裨實用乎招集調募俟兵力稍勁星馳赴援緩而有濟急事乎此盡餅充饑臨渴掘井徒爲安賊所竊笑矣夫黔省多故簡命王璫聞亦夙負簿名受事以來不知作何調度作何練習使將不能制兵而兵輒怒弄將賊衆一

臨魚驚鳥散遺孤將已云亡平日之威令安在節制安在
運籌決勝又安在城亦何爲于師中而又何辭於皇上
哉傳宗龍識諳首情選擇而使無奈勞動久而倦勤生任
事之心與願息之心交橫于胸中壯心之銷磨幾盡此二
臣者同有軍旅之寄同有封疆之責而進戰與退守成則
共功敗則共罪如往者遼上之陷今者寧城之全賞罰之
無少貸錯可念也若魯欽今日之死僅足贖前日之逃置
之不論可耳伏乞皇上嚴加申飭切責二臣和衷戮力
合謀分應以追賊鋒毋推諉毋拘執毋觀望毋參商將玩
忽之精神律振壁壘之氣色改觀賊常望之而卻走黔無

恙而楚蜀滇之三省隨之西南半壁之天下有寧日也至
兵馬之從一面速檄黔中整棚現在相機戰守一面速檄
督臣朱燦元於楚蜀滇之附近諸處任便調遣星速赴援
然而師行糧從一切安家行糧亦于附近所在任便搜索
事平銷筭若偏沅撫臣閔地居輔車唇齒之勢宜作披髮
纓冠之急當傾心設法竭蹶策應毋第日移駐偏橋率兵
數百調募兵力稍勁星馳赴援而爲此不急之語以塞責
也從來兵家勝負決於俄頃恐我不乘賊而賊乘我我有
待而賊無待也其所請糧餉不論享邊各項盡行那借俱
如所請以圖底定黔省幸甚封疆幸甚天下幸甚

刑部左侍郎沈演上言治外必先治內外寧猶有內虞治
亂何徵轉關在微憂盛危明敬并一得 一曰寬猛應酌
時宜傳曰政寬則民慢慢則糾之以猛猛則民殘殘則濟
之以寬寬猛交劑政是以和

神廟久御政尚寬大摘發不盡明擊斷不盡法雖大柄獨
持而銜轡時委

光廟一月恩覃九有

皇上初政惟務涵育諸人幸

恩罔

上仰干

天諫

皇上何心督過羣奸自底不類抑陽和之後非霜不肅寧止人情時乃天道今法紀聿新人心震疊自今以往惟當綜核名實以警情偷分別黑白以定趨向崇獎廉靖以絀貪兢修舉廢墜以明政紀顯示灑濯以與更始果能滌除胃腎一意奉公不追既往卽有夙警屏居自引亦不深咎無爲反側自疑故作不靖以忤文罔

皇上每事必法堯舜法堯舜法天也疾雷震電惟以破除陰曠暖日和風乃可昭示恭庶曾見上天有竟月雷霆者乎
一曰

祖宗成法宜守。

二祖法令明備，立綱陳紀，九官有表，俾總庶政，幾經
睿慮，炳若日星，法久弊生，不無撓廢，惟

明勅所司，各修訓典，掃從來沿習之陋規，復初時創立之
成憲。魏相中興賢佐，惟修漢故事，太平何象曰：無愆忘，苟
未當。

聖心不妨駁議，所守者正，何嫌補牘？如有未叶，當備陳往
例以聽。

上裁，卽以臣刑部論姑息之久，宜用重典，

輦轂奸宄，躑躅火烈，而後難犯。然奸不戢於嚴刑，而戢於

必得法。不期於重而期於確。但當閱實其罪耳。使奸必麗法。法必麗情。乃稱明允。一重辟也。而正犯與謀犯異。一決也。而不時與秋後異。輕重緩急稍爽。其則何以稱平。文皇時。因有情重法輕者。欲重擬。

上曰。律者法之平。今欲輕重之。罰雖當。民弗信矣。其如律。又有冒支官糧者。

命戮之比覆奏。

上曰。此朕一時之怒。過矣。其如律。

文皇聲出爲律。乃一則曰如律。再則曰如律。非徒以職要職詳。上下有體。抑亦頭緒煩多。情偽微緩。一時神明獨斷。

未必悉中情實故直付所司。不以臆決。亦虞舜臨下以簡。無爲而治之道也。一曰預處經費以程工作。

三殿並建原屬曠典。

至尊臨御萬國觀瞻安可稽緩。

皇上式弘堂構神人協力在事諸臣竭慮恐後費省工倍。皇極正殿落成有日從此來萬方之玉帛奠億載之丕基。獻俘馘以張武功舞干羽以顯文德。太平盛事有光列祖。

二殿次第修舉規制方備第工費不貲兵革未息財賦國家之利器虛實不可以示人大工與大兵並舉將司農。

與將作交征捉襟露肘支左缺右非所以令衆庶見也宜令主者會計每

殿工料幾何經費領於司空者歲入幾何尚方織作之需陶匏絲枲之屬燕享犒勞之具

內府積有奇羨者俱改納折色以給

大工歲歲哀而息之度可常工料十之六七而後舉事費既積之累歲工自成於不日雖百堵皆作而天下晏如無爲焚林而田見影而捉剋核太至而生其不肖之心無示人殫匱之形使狡夷奸民量我物力而妄生覬覦之計斯亦周禮以三十年之通制國用量入爲出之意也之數者

或憂時而出嘔心之語、或摩切而進百一之規、咸謂非所
宜言、恐害於身、而臣以爲不然、臣家世受

國恩、臣兄淮忠猷未竟、臣芹曝微忱、固杞人憂天、過慮實
婺婦恤緯、深心、今所縷縷關

國大計、苟有裨于涓滴、又何愛于髮膚、與其茹之而害于
國、寧吐之而害于身、與其已事而爲無益之咨嗟、寧未事
而抒不必然之籌畫、書云、予違汝弼、汝無面從、退有後言、
與其退而有後言也、寧進而直陳于

明主之前、儻蒙

采擇施行、萬分一有補、臣忠已効、退就隴畝、夙無所恨矣、

瑞橫起於甲子秋冬間初時奸惡未熾公疏單疏糾者
十百及大權獨攬生殺在手中外絀口無敢一字與瑞
異指者司寇公以乙丑臘月赴京兆任至孟夏蓋四閱
月矣自閣部至言官廢僚無敢言及職掌一字者惟當
意指是向閣刑曹諸讞牘如汪心淵無証追贓數萬李
承恩以僭用應擬徒誣坐盜絰其宅帑皆不附律輕重
任瑞意心中既大不平瑞復杖殺一御史以立威逮繫
七賢以快念廉吏周順昌亦在逮中吳中大譁舉朝無
敢駁正一語自思身為刑官坐視忠良駢首法律舛錯
奈何以下咽夜何以安寢遂星夜草疏達旦而成瑞專
以非刑箝人口故首言寃刑瑞專以中旨行亂政故次
言守成法無臆決瑞專以大工蠱寵幸非理苛索充費
故不言宜緩工無見影而提焚林而佃三事皆當所最
忌客多相阻止謂此時正憑威怒誰敢撰其鋒料虎頭
必不免虎見身老子勿不廣歸骨之難乎心如此勸是
忠其如心不能平疏一日不上日念念似無以支朝
久不暇計一身生或竟以四月廿二上此疏瑞一見怒
甚與其同黨言依宅院都是我裡邊不是了意欲重處
而閣中原稟
肯甚溫又使人在外庭偵探此疏一出朝紳士庶涕聲

載道復集其心腹商議。不如且以淡
育打發。另尋事端處他。舊規疏該第三日下。又遲二日
也。日使厥役踪跡。該衙門知道。蓋與其腹心計議未定
斗事入厥疏中。以同府人可借以爲題。然亦不能一字
乃。蟻直于辨疏上時。第二日。即內批削籍爲民。引紅牌
轉換字面。欲中以危法。恐公論太不平。誤禍止削籍。又
令厥役隨路踪跡。纖悉必報。不死幸耳。在途兩月。家中
皆傳已逮。就知如唐存意諸公。爲之精神爲之問卜。
鄰里細民。皆爲扼腕。後聞抵吳門。拏舟相逐者。屬路。

旌表常州吳氏一門雙節

時道府縣學俱勸得潘氏係東廂下里潘耆室女有四
省提學副使吳仕年六十無嗣於嘉靖十九年七月聘
為側室時年一十七歲至嘉靖二十四年二月仕身故
氏生子敦復僅八月時年二十二歲仕先有嗣子包藏
禍心謀殺敦復兼偏嫁氏引刀自決以死自誓抱子襁
帶中十餘年不敢出戶外而子得成立尋薦賢書後不
幸復先物故遺孤士貞孀俱在紹亂值族兒僥倖結連
巨室飛禍構之其家幾破氏號天絮悔端禮哀求事雖
蒙什竟以憂卒記存庚七十四歲守節五十二年按氏
生而不辰嫁即多難甫叶徵蘭之夢遽成點竹之悲引
刀而志靡他逢仇而鞠凶歲及遭孽嗣之禍飲水茹蘗
卒教孺子以成名抱喪子之哀扶老携幼後德遺孫而
禦侮一身兩世百折之憂虞萬死一生之禍約身之完節
蓋棺論定優表宜先又勸得沈氏係本縣清泉民沈尚
之室女於萬曆十年正月歸已故舉人吳敦復時十八
歲年十一敦復身故年二十九歲子士貞甫數歲於

時新喪孝廉家邨輩起豪橫貽籍幾欲取卵破巢正前
所云潘氏號天泉侮時也氏日與潘氏相對嗚咽亦時
破涕上慰老姑下撫幼子焚焚在疚不遑寧處後事得
解卽延師教子朝夕督課勝於嚴父士貞遂舞象遊庠
弱冠鄉薦茲成進士氏見年六十一歲守節三十五年
按氏性稟堅貞身嬰荼苦志同皎日操若嚴霜祐始禦
難植垂絕之宗枝賜子家賢振重光之世業三十年啼
鵲血淚鐵石不爲摧六十年病鶴羸姿佞筠比勁旌例已
過齒關

允宜

旌表上海孝儒張秉介

按張秉介直隸松江府上海縣儒學生員係巡撫貴州
部察院右僉都御史鴛翼季子事父至孝朝夕奉侍頃
刻不離左右凡飲食所需衣服所適必躬親手進及見
父顏色和悅則喜或有他事稍有不怡若默然則退而
展轉憂思寢食俱廢每日夜伺察數四凡若此者日近
官以致遠宦自違宦以至歸家歷二十年宛如一日迨
鴛翼病秉介萬端療治以至迎神買卜等項輒至垂索
養夜叩禱作辰請以身代願爲之裂父病篤時日不交

曉衣不解帶，嘗自闔戶，引刀割股，家人徘徊，就前抱持之。然刀痕已入寸許，及父終，不能救。秉介哀慟，卽絕。家人以水漿灌口，踰宿而甦。是時臥病床褥，不及躬撫，父極乃以臥榻之前，設一靈几，早晚上食，不啻家人扶掖于牀上。微作跪拜狀，氣息奄奄，有淚而無聲。遠近聞而哀之。自父歿，甫及匝月，竟染毀骨立以疾。本縣知縣裴山頂廉得其實，以申諸府。府以申諸道，一時撫按諸臣各有獎勵，扁額充牣，詠歌盈帙。其事昭昭在人耳目也。大抵秉介之孝，不爲好異立名，惟是日用之間，真情真性，懇到體認，爲人所不可及。至於一夙而後知孫秉達外之孝，輒近不多見矣。

繆昌期卒于獄

按昌期博學宏才，望如山斗，當漣令常熟時，氣味相投，稱道義石交。後同朝，惟好信昔昌期直氣凜然，常對人詆忠賢之驕橫不倫。忠賢固銜之，矯

旨斥奪，削籍編氓。暨而坐與漣善，爲之點竄，疏榮卽紐爲邪黨，逮繫詔獄。許顯純嚴刑痛拷，十指接折，遠比誣賤，斃于獄底。天下聞之，靡不痛悼。

西戶之類
至其註
之題甚活
以此加人
誰能自免

應天巡撫毛一鸞勘奏奉

聖旨毛士龍發邊遠充軍、僉妻着伍、夏嘉遇行賄得官、口
供甚確、依律充徒、不准納贖、姜志禮、削籍爲民、追奪誥命、
其餘俱依擬行、該部知道、

禮科張唯一、直糾寺臣許志吉奉

旨罰俸三箇月、

陝西巡撫喬應甲叅孫埽削奪、革去恩廕、

指帶爲門戶故也、
應甲從此滋議矣

王恭嚴火、

御史王業浩等上言、臣等於辰刻入署辦事、忽聞震響一

聲如

天折地裂、須臾塵土火木四着、飛集房屋、棟梁椽瓦窗壁、
如落葉紛飄、臣等俱昏暈、不知所出、幸班皂多人拚命扶
行、及至天井、見火焰煙雲燭天、四邊頽垣裂屋之聲不絕、
又覓馬出衙門首、見婦女稚兒、聚泣於衢、則知屋舍碎壞、
不可勝計也、震壓冲擊、蹂躪死者、不可勝計也、比策馬行、
不數步、又見萬衆狂奔、家家閉戶、則因衆房傾倒、羣衆驚
狂逸出、不可控制也、臣等急策蹇騎至朝房、驚魂甫定、方
知變起、王恭廠火藥局失火、砲發沿近屋舍、人民已無焦
類、而城中家家戶戶有傾頽震壓之患、人心惶憂、伏恐

皇上端拱

大內不無震驚、臣等下懷不勝踈切、呈合詞恭候

萬安、又切照得火藥原係制勝之神器、修合收藏須萬倍嚴密、乃不戒自焚、致

都城雲擾、萬衆受害、典守之罪夫復安逃、第廠內戒嚴、星火未嘗入門、忽然焰起、寧無別故、相傳塘報奸賊差奸細十人、限于四月二十七日齊至

京師、潛圖內應、今日之變、適與報符、關係不小、除臣等錄

廣招愆、昧庸鮮畧、痛自修省、尅責外、伏乞

聖明

奇事

嚴勅內外巡徼防守無致疎虞以彰

廟筭仰祈

勅行該城查恤被災人戶以彰

聖德臣民幸甚臣等無任悚息待

命之至

時救火諸役從版中救出華身男子吳二問之曰稱身係版中木批火藥人役但見颶風一道內有火光致將滿版藥鎗號發同作三十餘人盡被燒灰止存吳二一人最可異者庭樹盡拔而無焚燎之跡藥樓飛去而陷數丈之坑庫中軍器如故神剪火木塵封

內閣傳與禮部

聖諭今歲入夏以來風霾屢作旱魃爲災禾麥皆枯百姓

內事紀原 卷三
三五
失望乃五月初六日巳時地鳴震虩屋宇動搖而京城西南一方王恭廠一帶其房屋盡屬傾頽震壓多命朕以渺躬御極值此變異非常飲食不遑悚悚危懼念上驚九廟列祖下致中外駭然朕當卽齋戒虔誠親詣

太廟恭行問慰禮訖中外大小臣工俱各素服角帶務要竭虔洗心辦事其停刑禁屠等項卿等卽傳示禮部都着痛加修省恪供職業共事消弭仰體朕心冀聞

天變毋得視爲具文苟且塞責仍將被災人戶速着該地方官查明具奏分別優恤以彰朕畏

天省惕至意特諭

虜報甚急、督師王之臣請發兵馬器械糧餉一切軍需以爲防禦實着。

黃尊素解到下鎮撫獄

命速造火藥以備奴警急推補司空以便料理

聖諭兵部、朕覽工部署部事薛鳳翔等查勘異常災變、奏稱王恭廠局并周圍房屋一槩皆傾、震壓人民不計其數者、乃古今未有之變也、除修省事宜已諭內閣傳示禮部、訖念遼黔疆土未靖、大工錢糧不敷、正國家財力兩竭之秋、須亟求權宜長久之策、今王恭廠局房屋一節、爾工部職掌所關、速宜修理、況此神器錢糧、豈可久容暴露、但工

程煩費似非旬日可竣卽先修牆垣亦非永遠之計茲查得西城十忠坊地方設有御川監外西新厰房三所共計二百餘間其中甚爲寬濶卽便改爲安民厰爾兵部卽傳京營總協督率三大營官軍論派三千員名速往王恭廠搬運神器錢糧等件運赴安民厰貯收事畢之日就以王恭廠土棧仍將低窪之處填墊平實其木植甃瓦石料各安集原處聽從別用以昭朕仰體天戒惜財郵力至意特諭

計查厰房一萬九百三十間
厰房男婦五百三十七名

島師報會安堡之捷

毛鎮塘報言官兵乘奴賊飲民北上欲還西寇故奮勇
入攻剋會安堡拔回順民一千三百餘人陣擒真夷
三十六名

千首挾賞

延綏塘報言虜酋千兒馬同伊母赤吉娘子三月二十
八日率眾執舊帖文索贖四百二十餘兩邊吏詰責酋
辭桀逞勢甚猖獗在我素蓄援遠精銳挑盡重以京民
兩運不繼軍餉欠至十六個月虜方裹甲內必脫申情
形萬分可虞

京師祈雨

春夏以來風霾亢旱雨澤未澍
故命十九日祈祈為始

上諭戶部有兵方有餉餉之多寡以兵為準柳河敗衄覺
華被劫失兵若干應減糧若干如何不見清查一槩混淆

本兵職掌何在，著作速行督撫等官，確查報部，以便議補。班軍出關糧餉，卽于預備應支銀內，發山海餉司給散，該部知道。

兵部尚書王永光備陳修省之實，疏曰：臣觀古今災異，洵臻必朝有紕政，位有愴人，顛倒悖謬，然后逢天瘡怒而譴告隨之。我

皇上御極之初，河清鳳儀，固已慶太平。

天子邇年以來，歷遜元克，登庸衆正，朝講不輟，刑政具修，直與堯舜同符，陋漢唐不數，謂宜協氣上蒸，清寧成象矣。乃天心眷愛，犹若有愴，愴而未已者，如近日。

都城之變雷轟電掣屋覆牆傾死者屍橫枕藉傷者呻吟
載道流離殘破之景不忍見聞諸臣謂王恭廠不過火藥
延燒已耳何能使坤維震撼數十里作霹靂之聲此非徒
藥之力也目前稽察防範不可不嚴若但委之藥之力也
目前稽查失火則甚非上天垂戒之意與

聖明修省之深慮矣今我

皇上減膳撤懸諸臣素服角帶謂遂足以當修省乎臣請
就諸臣言之問之植黨背公招權納賄者已伏其辜矣今
果能大法小廉靖共爾位否不則試省而修之問之懷忿
逞臆斷送

封疆者已伏其辜矣。今果能協力和衷共抒敵愾否。不則試省而修之。問之蠹國剝民。騙官盜餉者已伏其辜矣。今果能各滌肺腸。清白自砥否。不則試省而修之。諸臣位置不同。職業各異。而撮其修省之要。端不越此。

皇上固天之子也。一言善。卽爲景星慶雲。片念回。便是和風甘雨。響答景從。感召最速。今方祖述堯舜。寧有缺事。而一一孫伏之過。亦有可得而言者。如刑獄繫生人命。董以士師。申以伏奏。誠重之也。今累因半歸詔獄。追贓卽已畢命。雖其人自不寃。而於好生之德。無乃未愜乎。甚至秋后與不時竝律。裴首與絞斬同斃。痛快之事。每足十和。請自。

今以往輕重罪囚悉付法曹使罹法者目瞑自作之孽比附者幸繳祝網之恩罪疑惟輕者或開其謫除減免之一線罰當其咎者仍念其子孫父母之無辜肅殺之后繼以陽春此其時矣至於軍儲告匱土木繁興豈不知生財爲亟而急土木不如急軍儲議掇括又不如議節省今既掇無可掇括無可括而瑣屑凌雜冬臣以入告竊恐焚林竭澤之后能無魚驚鳥散之憂請自

皇極告成暫停工作悉以海內之物力并於軍前之輓輸寢其屑瑟之誅求益見

聖心之敦大候疆宇廓清再完堂構未爲遲也此皆老生

之常譚實爲救時之針砭若夫傳宣
詔旨或以誤而成訛不如以票擬還歸之政府甄別品流
或以疑而成溷不如以邪正盡付之公評此皆舉朝所欲
言而臣不忍不言者幸逢

皇上聰明天挺左右親臣公忠自矢爲端振刷已極苦心
畧事調劑便稱完美臣奉

先帝憑几之命受

皇上特達之知臣若不言之而或避忌諱不惟負
皇上抑且負先帝故敢瀝血陳之倘蒙

聖明採擇翻然更始竝勅內外廷臣一體虔惕時政得

失盡許直言無隱將災沴頓消休嘉立應而又何外患之足慮哉。

薊門地震。

遼東巡撫袁崇煥奏列關外兩鎮叅差之情奉

聖旨滿桂廉勇素著挫賊有功倚任方切既稱群情欠調暫准回府候推別用其寧遠防禦事務着左輔以原官管理作速交代任事原給印信繳進關門內外大小將領俱聽趙率教調度以便責成兵部知道

禮科彭汝楠請省刑薄歛以謹天戒

詹事李國楷王應熊充副總裁

原任大學士丁紹軾卒

賜塋祭護其喪還

朝天宮火

此係

勅建廟宇千官習禮之處一旦火燼深可駭異

削葉大受職

夷漢人來歸督師王之臣譯審真確下令安插之

先是逆奴掩襲枋花部落殺其各王貴人掠其牛馬時
房衆雖難歸來者以二千計本部院誠恐中間夾雜奸
人呼移花領賞白刺麻舉其歸來夷目一一質問喇麻
泣言俱是枋花部落隨行寧前道會同總鎮將歸來漢
人度地安插其夷衆老弱善爲撫慰候事定仍歸房營
以示恤惠之意則房必畏感懷德

貴州巡撫王臧請

勅督臣撫鎮黔陽。蚤結西南全局。其便有十如事繁安危
機漏秘密可以面商而意喻不慮郵筒逗漏也。一便也。利
害宜審進止宜酌可以互參而後議不慮道理隔絕也。二
便也。或檄軍兵以援黔則道將趨令唯謹不似職大呼不
應也。三便也。如督師以用兵則鎮臣奉法恐后不似職節
制無權也。四便也。在楚藩不患餉黔又後餉蜀可免躊
躇而成兩悞。五便也。在督臣不慮難分用徑可專用不致
空拳而稽大舉。六便也。且中樞之威望足以彈壓而寒賊
膽。七便也。數載之恩信業已沁入而感賊心。八便也。練達
之才識久已洞徹賊情。九便也。出入鬼神之妙用聲色不大

神武不殺而畢賊命十便也故可以死奢寅卽可以死邦
彥督臣之能事可必也倘可以死奢寅未可以死邦彥督
臣之全局未結也乃奢寅已死蜀局已結督臣不必仍居
蜀也今邦彥未滅黔亂方殷督臣不得不移黔也

大學士顧秉謙等進呈 三朝要典副稿

大學士顧秉謙恭進實錄副本奉

聖旨卿等所進纂修成

皇祖實錄副本自隆慶六年五月起至萬曆十年十二月
止共一百三十一冊朕虔誠恭閱具見卿等殫忠紀述深
叶朕心仰惟我

皇祖享國綿長政務煩鉅卿等卽傳諭付總裁等官更加博訪周詳務要矢公矢慎卽將十一年以后之稿遵奉屢旨上緊催修俾早竣萬世信史以慰朕美牆若見之思其加恩示酢統需后命該部知道

巡按貴州傅宗龍奏曰慨自魯欽蹉跌賊氣頓張助逆仲苗蟻趨蜂動貴陽三十里之外焚屋殺人急書一日而十餘至僉謂壬戌二月之光景再見於今矣臣與撫臣王城一面告急於督臣朱變元一面求餉於偏沅撫臣閔夢得一面會集司道諸臣商度機宜激勵將士先遣王國貞等攻河沙壩之獍鬼盡俘斬之而廣順定番青岩白納一帶

之。狡。夷。爲。之。奪。氣。繼。遣。張。雲。鵬。等。拒。逆。彥。於。趙。官。堡。小。戰。
二。日。大。戰。二。日。所。殺。傷。者。無。筭。水。內。水。外。之。賊。奔。走。潰。歸。
道。路。復。通。城。池。無。恙。此。蓋。仰。仗。

皇。上。如。

天。之。福。非。人。力。所。及。也。

降濫已極
何謂之者
猶未已也

六月

雨降祭謝

工禮二部請給魏忠賢魏大用魏志敏魏釗等祖先祭葬誥命得

俞旨都照伯爵例行

初五寅時京師地震○天津三衛亦震宣大同日震倒壓死傷更慘

初六辰時皇子薨逝喪禮

命照悼懷太子例行并祔葬墓側

御史楊方盛以黔變阻隔無聞滇省孤懸可慮特陳擇

一議大有
造于蜀

官通路之議請疏理建昌另開坐路咨訪人才實加鼓舞吏部覆議通路事屬兵部所司而擇官一節銓司于升除之際加意體訪務令人地相宜勒限到任不肯少假外其在外撫按亦勿徇情面連章保留以掣用人之肘庶僥倖之門塞功名之途開而滇事有濟矣

戶部奉

聖諭王恭廠一帶居民災傷甚苦賑卹宜優據請六千金似未足周濟茲特發御前銀一萬兩着西城御史會同戶科官一員照依查明被災人戶數目酌量加攤逐一當官給散務使均霑實惠稱朕敬天愛民至意

時南直陳溝新河成

河道總督李從心奏曰惟我國家定鼎燕冀歲運東南漕糧四百萬石藉此運河一線轉輸在邳宿以南則資淮費二水在潞清以北則資漳衛洹淇金陽諸水在血口至臨清延袤八百餘里則資汶泗洸沂挾各州縣諸泉水灌濟以達京通關係最重臣二月謁

陵行河經宿遷顧陵劉口磨兒莊等處中河分司趙濂同知宋士中及各州縣官鄉耆長年三老擁稱連年運船到此一船挽拽夫百計以一夫工費動以數錢窮旗典鬻以償官夫人力與水勢爭衡簞纜中斷前船橫下后

此
無
可
無
矣

船互相磕撞。官儲民命。須臾歸之逝波。風激浪高。竟日不能移一舟前阻。后壓千艘。俱皆等待。各官會議。要自馬頰口起。下至陳瑶溝。止計程六十七里。另挑一河。已有成議。臣卽同各官步行。隨其指畫。皆可施行。及臣回經臨。則見簪紳雲集。工有次第。臣復同各官步行。逐段閱視慰勞。仍不次催促。茲于五月十六日。據同知宋士中詳稱。原議靈雅宿桃邳五州縣募夫七千二百名。限六十日完工。今陸續着工。隨將內河上年存剩銀分給州縣召募。每夫一名給銀一錢。至三月中旬。共計到工五千六百一十六名。蒙行府發土方銀七千兩收貯宿

遷縣庫。知縣吳錫查照各夫役土方支給。但實稽夫數。較原議尚少一千五百八十四名。后令魏三跨募夫三百名。劉萱募夫三百名。調邳睢循夫四百名。協力併作。或以濬兼築。則計河工不計堤工。或以築兼濬。則計堤工不計河工。或因勢順導。或改曲從直。河底沙硬。用鋤。開使深。水中堤下。以船載土壘築。使高堤之殘缺者。加修。河之沙淤者。加濬。陳溝十里平地。濬與築兼舉。計挑生河長一千九百一十八丈。築木墩水占堤長二百八丈。又兩頭坍塌堤長四十五丈。西岸平地築堤一百八十丈。王能莊芬后雙河尾築堤長一百丈。幫築殘堤。

一勞永逸
安可以移
民懼而憚
從事也

長七百四十二丈濬深淺河長二千二百四十丈其根
頂口底俱照丈估丈尺于五月初十日全完河工告成
從此運船改由陳口諸溜遠避公私幫拽之費可省漂
蕩磕撞之虞以杜風浪不能爲之阻而各船唧尾直進
可以計日計程无復耽延阻壓之苦與中河分司淮徐
道復詳請開龍門放水行舟等因到臣該臣詳批陳溝
駱馬新河工程既已竣運務亦永賴矣卽今龍門開壩
放水行舟似難久待仰司道先擇吉日舉行聽候本部
院西巡畢日躬親查閱繳則南直黃淮之河不虞旱而
虞溺可勿慮矣

督師王之臣上言歷陳遼事壞于不和之故奉

聖旨遼左從來壞事都因不和朕深切痛恨今督師巡撫
同任封疆功罪一體果能捐去形迹和衷集事寬慰朕
心便是忠誠體國之臣滅賊復遼端不外此卿身膺督
師手握賜劍將吏進退戢守機宜自當指授一切公事
須商議妥當使號令歸一將士知所適從該奏的照例
會奏滿杜廉勇著聞朕所素鑒因撫鎮參商同城未便
故暫准回府既稱將材難得山海需人應何委任着兵
部酌議來說

已而兵部覆奏言督師議以滿鎮將臣調遣撫臣議
新授之人鎮撫之舉寧遠州人與地相安請

初下省臣移會撫臣將誦杜用何地方作何調遣蓋
化成心慮長酌議畫一進省會奏即此便是和衷即
此便是忠誠矣
時求撫臣與撫臣不和以未和會王督從題請吏調
致王督微有不平互相爭辨反致自訟一疏可
謂勇于開過者矣

遼東巡撫袁崇煥以賊情暫緩題請貸畫孫元化回部
元化以所頒賞銀五十兩繳還貯庫助餉

上嘉其急公准令回部

周順昌卒于獄時六月十七日也

虎彪軍道迎瑞意証駐持比骨斷皮開血滅四號昌
浪萬指印日不問衣乞之聲萬急完不絕口天日為
之一無色時有奸賊古閑中舊治士民英中矣天
一時驟全錢代共完駐其土金而昌已彼監司肆
亦隨跪矣臨此共短幸所以屍諫不果而領理時成
肉已腐無寸絲掩飾向日飲酒止見頭顱情疑無氣

凜冽尚自逼人先生
烈矣吾輩能無痛乎

周宗建卒于獄時六月十八日也

按宗建由武庫調仁和廉明愷悌兩地絃歌和平清
潔三臺上薦縉衣內召借冠無繇垂淚禁懷執香擁
道前臺屬節自簡嚴霜巡方剔弊按是持平素志好
樂而羅錄金建講院之嫌危言觸奸以致牽職追
綸章之旨準擬歸田繕輯素業何知驅使射入寬
詞間緩騎而驚心對妻孥以斷腸雨邑士民懷恩泣
訴當路典以代完贖緩萬惡瑤柜成心顯指監司急
令酷加敲朴孤冤已自銷亡病骨那堪簪楚誣服盡
被家嚴刑乃殞命矣侍御故閭闔家子也慨據有大
志少卽以文名而賦性謙沖對人如不勝衣一當大
義所在萬夫不回是以宗黨族里無不敬之愛之依
之賴之及聞變相與爲位而哭之嗟乎公之死僅與
逆党之敗隔歲時耳而公之名與欽程之名孰馨孰
馥乎冷熱顛逆之辨惡輩何不能自擇至此也

文書房遞出黑字揭帖

聖旨六月十九日辰時進三朝要典聖覽畢公同內外官員送皇史歲收

文書房傳出

聖旨信王婚禮大禮吉日着禮部行欽天監選擇

時已選中大興縣民周奎女年十六歲三月二十八日子時生即今聖母后也

閏六月

御史陳朝輔再糾輔臣

聖旨這本說輔臣馮銓事跡多端即着回籍閑住以候公論之自定程夢庚奸惡甚于汪文言已經該廠拿問不

得輕縱該部知道戶禮二部都察院接出

聖諭朕惟自古帝王御世莫不以敬天勤民爲首務朕紹統祖宗誦法堯舜念此至殷切矣踐祚以來惟上帝

眷祐是賴下民居食是懷乃今春入夏異災頻仍亢旱彌甚茲者伏遭霖雨晝夜連綿震動若傾滂沱如注朕克謹天戒恐懼靡寧已于宮中竭誠致禱其禮部堂上官宜卽率屬懇祈各秉精誠齋心對越仰答上天示儆之意勿以虛文塞責又念京師米價騰湧小民糊口艱難今後房屋坍塌入口損傷朕甚憫焉卽着五城御史上緊行查具奏照例一體優卹其房號銀兩除舊例免征外再免征二個

月戶部仍將太倉見貯之米暫借十萬餘石刻期支放不必折色以救目前朕思堯湯水旱不足隕陞隆之治惟君臣交儆乃可答仁愛之天與朕同休戚者固在股肱心膂大臣而內外文武百官亦皆居天位治天職其朕欽若昊天者各宜仰體朕懷恪其乃職捐玩愒之故習矢勤奮之新圖一念不公儼肺腑之畢見一事不實凜釜餗之難逃務使積誠動天轉災爲福兩儀安奠百穀豐登粒食罔艱室家胥慶以昭朕畏天省愆軫卹都民至意欽哉故諭黃守素卒于獄閏六月初一日也

按尊素剛介不同氣節然爲守國節操人不致犯勢家僥倖運入烏臺侃直敢言指斥權奸立被褫職歸

隱東越之谿、興詩讀書、偶過西湖看山、疏水時、向人燈
潭、不畏時忌、娼姬及之、鬻聲唾罵、傾車者聞之、發指而
併入周起元一案矣、幸提騎過吳門、估勢驕橫、動靜
作多金、一時交關、畏服不前、竟返轍而不過武林、既
虎口、窘辱且省、繁費尋復傳、古者撫按差官、扭解於
京、而瑞怒稍平、者刑情憫然、不容其獨生、遂病不起、旋
與應昇同歿矣、重僕力不能領、埋鄉人隣之、陳金而為之殮云

欽天監欽奉

聖諭 信王婚禮、大禮擇十一月二十五日卯時、搬移、十
二月初十日午時、尚冠、十六日、納徵發冊、二十一日安牀
正月二十七日開面、二月初三卯時親迎
東廠魏忠賢奏曰、告人吳榮、告為欺

君抗

黃山欲起
編民無辜
控矣

旨、蠹國、啖民等事狀一紙、該臣看係不法事情、隨差旂尉王應元等將狀內有名人犯拘獲到、廠內審得吳君實供係直隸徽州府歙縣人、招稱有未到官吳養春家資巨萬、爲富不仁、一面結交縉紳、霸占黃山、委令未到官男子吳用譽等、砍伐樹木、貨賣年久、獲利何止數十餘萬、逞其強霸、不容諸人樵採、以致合郡烟爨有虧、人人怨恨、屢經具告撫按府縣司道衙門、因其財勢通天、莫能禁止、先日惟有巡按御史駱駁曾見其強橫、遂將山地判斷一半入官、具疏造冊送部、卷案見存、養春用賄朦蔽、至今仍舊公行霸占、近有科臣霍維華等因見

大工肇興條陳採取橫山木植應用吳養春慮恐採取木
植難以獲利于天啓六年三月二十日差未到官家人文
飾持書一封前來天津令君官攜帶多金同到京城泊子
街今在官男子吳蹇叔家投下密令蹇叔等爲其打點停
寢採木

旨意吳蹇叔等將前銀收下遂同今在官男子程夢庚許
應章應荐茅培等將前銀在于各當道處打點止住不行
採取黃山木植養春私創崇文書院委今未到官男子吳
邦宰管理假以講學呼朋引類各立門戶乘機挾詐官民
財物積有萬餘設立車藏專備黨中鄉官遇有患難之用

于天啓二年六月內奉

旨拆毀天下書院吳養春同未獲男子汪時胤等不合不遵

明旨巧立名色改爲書館令子吳繼序同時胤在內看書招聚朋黨講道學養春付與未到官男子吳逢元方中凡本銀三十兩在于天津作鹽因吳逢元方中凡俱回散州遂將天津本銀俱付君實掌管以備有事打點京中使費取用養春又付未到官鄭一城等本銀七萬兩在于揚州作鹽有弟吳養澤因分家財不均具告撫按成仇養春父子伏財爲惡將親弟養澤謀死將七歲孤子嗣鵬酥灰

希圖鯨吞家資數萬、有令原告人吳榮原係伊弟澤夥計、因養春將養澤一家殘破、心甚不平、時懷忿恨、吳榮回藉行至儀鎮、撞遇養春未到官人吳繼武等、竟將榮行李盡搶一空、券約六十二張、片紙未留、妻子一十四口、逐散未卜存亡、原籍家產亦被搶盡、足見吳養春父子爲惡多端、抗

肯情弊、吳榮不甘、情具告到敝蒙、將君實併吳寒叔程夢庚許應章應荐茅培一同拘獲到官、審供前情、及審吳寒叔等各供情相同、據此叅看得犯人胡君實等玩法神奸、游手藉棍、走權要之門、若干已家、止採取之令、誠如探物、

至于吳養春久壩山場獨專其利逞虐焰之素張小民吞聲復錢神之有靈有司短舌故將奉

旨拆毀書院私改別館招朋引類深懷不軌之謀播惡如此亦何所恃而不恐乎惟賴胡君實等多方打點之力耳欺

君抗

旨莫此爲甚均應從重追擬以警巨蠹者也除見獲違法犯人胡君實吳憲叔程夢庚許應章應荐茅培在廠監候外其未獲犯人吳養春吳用譽吳邦宰汪時猷吳繼序吳逢元方中凡吳繼武合着

勅下錦衣衛差的當官旂前去與同撫按拿扭解來京所有賣木庄銀數多其家屬經管人等亦應撫按嚴拿監候臣未敢擅便奉

聖旨欺

君抗

旨久霸山場犯人吳君實吳蹇叔程夢庚許應章應荐茅培俱着該廠監候其未獲吳養春吳用譽吳邦宰汪時胤吳繼序吳逢元方中凡吳繼武着錦衣衛差的當官旂前去與同撫按提拏扭解來京一併究問所有賣木庄銀數多并着撫按嚴拏家屬經管人等監候追贓解進以助

太王該部知道。○浙江巡撫潘汝禎題請建立魏忠賢生祠，乞之。

時鑒匠張選沈尚文等倡設立生祠，此小人常態，固無足怪。不謂堂堂冠裳，亦溺于諂媚之私，首倡既請，遂貽千古之羞。良足嗤矣。祠額永固，春秋祭享，已占逆罔之不享也。

黔督朱爕元回籍守制，部議加偏沅巡撫閔夢得總督，從中調度，控制五省。○李應昇奉于獄。○追虜。

按應昇英銳特達，志大寡營，惟下帷讀書，手不釋卷，風稟忠孝節義，以道德文章自居。丙辰會榜第五人，筮仕南康節推，旌善類，誅疆暴，風清霜肅，玉潤春溫，廉名遠布，宦索蕭然。拜御史，直言敢諫，屢疏糾劾，惟奸中救建，言諸人逆璫愈怒，疏奪而歸，奉親教子，柰禍不旋踵，無端詔獄，一聞駕帖至郡，獨立門側，佇望其來。父母命之入，卒不敢應，恐對家人，迷亂方寸，惟慰父母云：兒此去或徵君恩，得以生還，慎勿憂念。縣尹登門，奮身

就道登舟作賦。倚馬吟詩。每得句。擊節自賞。無悲愁悵。鬱之色。逮至加刑時。惟大呼。二祖。十宗在天之靈。鑒我微忱。不敢負。君父。歟。報國臣之分也。但親恩未報。烏易之私。于心。怆然。幸而有兄有子。是不乏奉養。惟同寃諸人。止存黃尊素。相與患難。談論古今。忠臣孝子。以遺日。其奈監司敲朴過損。且羣奸欲速其斃。料應不免。亡前一日。賦詩寄別父兄。手書誠子讀之一字一淚。

按哈酋一族。較諸酋黠甚。黑炭等酋。原勾引此酋。盤據南山。無日不思犯搶。先曾犯卯來泉。曾未深入。亦未經大創。掠邊外牧放番馬而去。其志亦奢。遂糾合諸酋。來犯甘鎮近堡。此其志真不在小。蓋鎮謂不一親出創之。必至枉逞內地。其各營官軍亦感朝廷養之恩。願捐軀以圖報効。此董總兵親提大兵。戰於牛心山。斬首四十餘顆。可以凱旋矣。乘勝長驅。再斬首二十九顆。火砲猛烈。賊虜紛紛落馬。不意雪雨暴至。不能割級。此一場血戰。山河爲之震動。羌夷爲之驚愕。

南道羅萬爵止言罷稅皇仁已普奉

聖旨這本說的是停稅奉有俞旨速宜頒示通衢使商人望關津爲樂境至帶征錢糧朕念民力有限天啓元年以前盡行蠲免已征在官者卽着扣算還民侵在吏書者不得後洒花戶元年以后照常征解寬其舊征以急其新其本年各項正額務要及期速完仍刻定協冊使百姓曉然共見共聞知朝廷與民休息至意該部知道

上特勅令總兵趙率教移鎮寧遠并速選將官駐扎前屯南臺御史袁鯨劾吏部尚書王紹徽閑住陝西巡撫喬應甲候勘

下周啓元鎖撫獄

御史李燦然論列諸臣奉

聖旨徐紹吉患得熱中投身去輔營謀要地盡喪生平着
冠帶閑住鄭履祥夙附權門今誇入幕驅除同輩縮符職
方吳殿邦居鄉多事橫參公祖立逐矛緒以快已私却着
削籍爲民當差仍追奪誥命該部知道

奴酋侵并西虜部落

撫夷副將王牧民塘報言聞奴酋住牧近東于四月十七
日間被奴酋兵圍擊奴酋或妻子拾去

又寧遠副將李輔塘報言奴酋于四月十七邊過河寇
寧遠以炒花發兵來助行至養善木遇奴兵殺奴炒花

任子囊路台吉又有奴安兒相離囊路半日之地有奴
酋哨馬深至歹安兒營奴衆被殺奴五十餘名活擒二

名獲達馬五十餘疋奴大恨復益精兵于二十五日辰
時圍歹安兒營歹安兒并妻逸出商衆盡被殺奴炒花

奴開蒙古
諸虜
中國之利

亦跑過黃河北邊縣避虎彪諸首會兵欲圖報仇。
按及安兒係妙花之子。

太常少卿趙興那閑住

○總督倉場薛貞疏稱太監魏忠賢救滅草場雷火

上賜獎勵加原廕二級

御史王業浩枚卜䟽曰切惟方今

天下夷膚交訐黔蜀危困財匱餉空災頻災氣興思良相
上下同然茲

皇上

允輔臣之

請念政本之須以多賢共襄也

明育一出

中外想望太平臣隨諸臣之後亦與有咨訪之責敢無說而處此謹條列五款仰佐

採擇焉。一曰求真品夫人材不同聖賢豪傑各成就其資之所近。揚雄之清姚崇之畧張九齡之風度宋璟之端方李德裕之式武前賢韓琦之謀所謂絕難自興不凡之品也苟爲無品而據高位則覆餗貽殃負乘取誚羞黃扉而愧白麻并曆

明命矣。一口收人望謝安之起於東山司馬光之召于維下慰蒼生之望而定四夷之心豈虛名之糜攝哉要亦實

經濟實品地之所蘊者深也。自非然者。套裝公謹。画餅才猷。徒藉口呂參政之雅量。而適來王新參之彈文。負國恩而辱名行。豈可以訓乎。一曰重老成。夫老成者。言才品猷業以老而成也。

天下大器。

君與相共操之。是詎可未能操刀而使割。美錦乃令人學製哉。力錦而負重顛。骨脆而致遠仆。萬斛之舟。自非歷練之長年。三老弗任也。一曰化方隅。夫宰相平章。

天下者也。從方隅起。見則相業不光。若枚卜而從方隅起。見則真才真品。又限于藩籬矣。故東西南北之岐思。不可。

有也上

國遐陬之成見不可域也立賢無方念諸臣各具虛公之心蓋方隅之畛一化而黑白之隙亦未消此清平之最上義也一覈疑似自門戶之氣熾而不肖者蟻附一時皇路諸臣半作背公成黨之客幸

天清日朗紀綱頓振而餘波所及間有株連妬口所傳不無顛倒使忠者負黑地之冤懷才者無見天之會

大典如何得光茲咨訪之下務備諸臣生平品格并前後公案洗濯與登庸並行而旁求之

睿念始愜耳凡此數款皆本我

皇上寤寐求賢之

盛心并輔臣懇懇求友之至念而願與在

廷諸臣甘矢赤忠得人以仰報

明命川以內安外攘襄盛治而

奏大和也臣愚冒昧妄竊

宸嚴奉

聖旨枚卜盛典務要虛公五款正是虛公處卽着依議行
該部院知道

刑部尚書徐兆魁亦爲厥疏所糾奉

聖旨徐兆魁縱容司官賣法全不知愧而強詞飭辦溫國

奇執法台臣反爲重犯求寬成何憲體仰着冠帶閑住劉鐸犯罪得釋已屬漏網又代人居間行賄明設騙局着捉了問方震孺追贓未完徒增一案罪上加罪其受賄司官候鎮撫司審明具奏處分該部知道

厥詭言盜粮犯官李住明與借用龍袍犯官李承恩以重資營脫而與見同監之方震孺昔日同監之劉鐸謀畫御史溫國奇爲鐸同鄉同年曾求寬于紹俊司官程師偃李非聞馮上渠受賄賣情吏書史大仁等搶詐多贓